



## Općinski načelnik

Broj: 01-04-15-5645-6/22  
Busovača, 20.12.2022. godine

Općinski načelnik, na osnovu člana 64. stav 1. tačka b) i člana 70. stav 1., 3. i 6. Zakona o javnim nabavkama BiH («Službeni glasnik BiH», broj: 39/14 i 59/22), te člana 38. Statuta Općine Busovača – prečišćeni tekst («Službeni glasnik Općine Busovača», broj: 8/13), na Preporuku Komisije za javne nabavke, broj: 01-04-15-5645-5/22 od 20.12.2022. godine, u postupku javne nabavke po konkurentskom postupku za nabavku radova – Radovi na izgradnji metalne kovane ograde, **d o n o s i**

### **ODLUKU o izboru najpovoljnijeg ponuđača**

1. Prihvata se Preporuka Komisije za javne nabavke, broj: 01-04-15-5645-5/22 od 20.12.2022. godine konkurentskom postupku za nabavku radova – Radovi na izgradnji metalne kovane ograde, te se ugovor dodjeljuje ponuđaču «SIGMA-SK» d.o.o. Zenica, ponuda, broj: 01-04-15-5645-1/22 od 19.12.2022. godine, za ponuđenu cijenu u iznosu od 25.600,00 KM bez PDV-a, odnosno u iznosu od 29.952,00 KM sa PDV-om, kao najbolje ocijenjenom ponuđaču.
2. Izabrani ponuđač iz tačke 1. ove Odluke je dužan dostaviti dokumente iz člana 45. stav 2. tačka c) i d) Zakona o javnim nabavkama navedene u tački 3.1. tenderske dokumentacije konkurentskog zahtjeva za dostavu ponuda, broj: 01-04-15-5645/22 u roku od 7 (sedam) dana od dana prijema Odluke o izboru najpovoljnijeg ponuđača.
3. U skladu sa članom 98. stav 5. Zakona o javnim nabavkama BiH, ugovor o javnoj nabavci dostavit će se ponuđaču iz tačke 1. ove Odluke najkasnije u roku od 7 (sedam) dana od dana dostavljanja Odluke o izboru.
4. Za izvršenje ove Odluke zadužuju se i ovlašćuju Služba za lokalni ekonomski razvoj i obnovu i Služba za finansije i trezor, svako u okviru svojih ovlaštenja.
5. Ova Odluka stupa na snagu danom donošenja i objavit će se na web-stranici Općine Busovača [www.opcina-busovaca.com](http://www.opcina-busovaca.com), te istovremeno uputiti ponuđačima koji su učestvovali u postupku javne nabavke, u skladu sa Zakonom o javnim nabavkama.

### **Obrazloženje**

Postupak javne nabavke radova – Radovi na izgradnji metalne kovane ograde, pokrenut je Odlukom o pokretanju postupka javne nabavke, broj: 01-04-15-5645/22 od 05.12.2022. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 25.600,00 KM.

Obavještenje o nabavci i tenderska dokumentacija su objavljeni na Portalu javnih nabavki dana, 06.12.2022. godine, pod brojem: 1176-7-3-53-3-39/22. Poziv za preuzimanje TD sa Portala javnih nabavki dostavljen je sljedećim ponuđačima: «ORMAN» d.o.o. Kiseljak, «SIGMA-SK» d.o.o. Zenica i «IGM-IUT HASKIĆ» d.o.o. Vitez.

Konkurentski zahtjev i tendersku dokumentaciju je sa Portala javnih nabavki preuzelo 11 ponuđača.

Komisija za javne nabavke imenovana je Rješenjem Općinskog načelnika, broj: 01-04-15-2487/21 od 29.06.2021. godine.

Javno otvaranje ponuda zakazano je za dan, 19.12.2022. godine. Zapisnik o otvaranju ponuda blagovremeno je dostavljen svim ponuđačima.

Komisija za javne nabavke dostavila je Općinskom načelniku Zapisnik o ocjeni ponuda, broj: 01-04-15-5645-4/22 od 20.12.2022. godine i Preporuku o izboru najpovoljnijeg ponuđača, broj: 01-04-15-5645-5/22 od 20.12.2022. godine, u predmetnom postupku javne nabavke.

U provedenom postupku utvrđeno je da je Komisija za javne nabavke Općine Busovača blagovremeno i pravilno izvršila otvaranje ponuda i ocjenu prispjelih ponuda. O navedenom je sačinjen zapisnik, u kojem je utvrđeno sljedeće:

- da je blagovremeno prispjela ukupno 1 (jedna) ponuda, i to od ponuđača «SIGMA-SK» d.o.o. Zenica,
- da ponuda ponuđača «SIGMA-SK» d.o.o. Zenica ispunjava sve uslove tražene i definisane tenderskom dokumentacijom konkurentskog zahtjeva,
- da je u predmetnom postupku predviđena E-aukcija, ali da ista, u skladu sa članom 3. Pravilnika o uslovima i načinu korištenja E-aukcije («Službeni glasnik BiH», broj: 66/16), nije provedena, te
- da nije bilo neblagovremenih ponuda.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama («Službeni glasnik BiH», broj: 39/14 i 59/22), podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je ponuda ponuđača «SIGMA-SK» d.o.o. Zenica u iznosu od 25.600,00 KM bez PDV-a jedina prihvatljiva ponuda, te da je ista u okviru procijenjene vrijednosti predmetne nabavke.

Na osnovu izloženog, a u skladu sa članom 64. stav 1. tačka b) i člana 89. Zakona o javnim nabavkama BiH, donesena je odluka kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Općinskom načelniku u roku od pet (5) dana od dana prijema ove Odluke.

Dostaviti:

1. Ponuđačima 1 x,
2. Sl. za finans. i trezor,
3. U spis,
4. a/a.





**Komisija za javne nabavke**

Broj: 01-04-15-5645-4/22  
Busovača, 20.12.2022. godine

Na osnovu člana 65. stav 2. Zakona o javnim nabavkama («Službeni glasnik BiH, broj: 39/14 i 59/22) i člana 4. Rješenja o imenovanju Komisije za javne nabavke, broj: 01-04-15-2487/21 od 29.06.2021. godine, Komisija za javne nabavke sačinila je sljedeći

**ZAPISNIK O OCJENI PONUDA**  
u predmetu javne nabavke radova u konkurentskom  
zahtjevu za dostavu ponuda

**1. Podaci o predmetu javne nabavke:**

Naziv javne nabavke:	Radovi na izgradnji metalne kovane ograde
Vrsta predmeta javne nabavke:	Javna nabavka radova
Vrsta postupka:	Konkurentski zahtjev
Naziv i oznaka iz Jedinstvenog rječnika javnih nabavki:	Postavljanje ograde, JRJN: 45342000-6
Evidencijski broj javne nabavke:	01-04-15-5645/22
Procijenjena vrijednost javne nabavke (bez PDV-a):	25.600,00 KM
Broj obavještenje o nabavci sa portala javnih nabavki:	1176-7-3-53-3-39/22
Zapisnik sa otvaranja ponuda:	od 19.12.2022. godine

**2. Podaci o Komisiji za javnu nabavku:**

Komisija za javne nabavke Općine Busovača imenovana je Rješenjem, broj: 01-04-15-2487/21 od 29.06.2021. godine u sljedećem sastavu:

1. Naser Hadžibegović, predsjedavajući
2. Zorka Milinović, član
3. Željka Vujica, član
4. Mirsad Mekić, sekretar.

Komisija za javne nabavke je održala radni sastanak dana 19.12.2022. godine, sa početkom u 16.00 sati. Sastanku prisustvuju predsjedavajući, članovi i sekretar Komisije za javnu nabavku. Obavještenje o nabavci i tenderska dokumentacija su objavljeni na Portalu javnih nabavki AJN dana, 06.12.2022. godine, pod brojem: 1176-7-3-53-3-39/22. Poziv za preuzimanje TD sa Portala javnih nabavki dostavljen je sljedećim ponuđačima:, «ORMAN» d.o.o. Kiseljak, «SIGMA-SK» d.o.o. Zenica i «IGM-IUT HASKIĆ» d.o.o. Vitez. Konkurentski zahtjev i tendersku dokumentaciju je sa Portala javnih nabavki preuzelo 11 ponuđača.

### 3. Podaci o pristiglim ponudama

Naziv/ime ponuđača			
Red. broj	Blagovremeno pristigle ponude/datum i vrijeme prijema		Neblagovremene ponude/datum i vrijeme prijema
1.	«SIGMA-SK» d.o.o. Zenica	19.12.2022., 09:45h	

Krajnji rok za prijem ponuda bio je 19.12.2022. godine do 10.00 sati.

### 4. Nazivi/imena ponuđača čije ponude su odbijene i razlozi za njihovo odbijanje

Komisija za javne nabavke konstatuje da ponuda ponuđača «SIGMA-SK» d.o.o. Zenica ispunjava sve uslove tražene i definisane tenderskom dokumentacijom konkurentskog zahtjeva, te da je ista u okviru procijenjene vrijednosti nabavke.

### 5. E-aukcija

Tenderskom dokumentacijom je predviđeno provođenje E-aukcije. S obzirom da je ugovorni organ primio samo jednu prihvatljivu ponudu, to u skladu sa članom 3. Pravilnika o uslovima i načinu korištenja E-aukcije («Službeni glasnik BiH», broj: 66/16), E-aukcija nije zakazana.

### 6. Ponude prema kriteriju za izbor ponude:

Kriterij za dodjelu ugovora je najniža cijena

Red. broj	Naziv/ime ponuđača	Ponuđena cijena (bez PDV-a)
1.	«SIGMA-SK» d.o.o. Zenica	25.600,00 KM


### 7. Naziv/ime ponuđača čija ponuda je ocijenjena najpovoljnijom

Komisija za javne nabavke, nakon ocjene ponuda, konstatira da je ponuda ponuđača «SIGMA-SK» d.o.o. Zenica prihvatljiva i predlaže njegov izbor:

PODACI O NAJPOVOLJNIJEM PONUĐAČU		
Red. broj	Naziv/ime ponuđača	«SIGMA-SK» d.o.o. Zenica
1.	Adresa	KOČEVSKA ČIKMA BR.6 72000 ZENICA
2.	Ukupna cijena ponude bez PDV-a	25.600,00
3.	Ukupna cijena ponude sa PDV-om	29.952,00

Sastanak Komisije za javne nabavke je okončan dana, 19.12.2022. godine u 17.30 sati.


Zapisnik sačinio:

 Mirsad Mekić, sekretar Komisije za javnu nabavku

KOMISIJA ZA JAVNE NABAVKE:

1.  \_\_\_\_\_ Naser Hadžibegović, predsjedavajući

2. \_\_\_\_\_ Zorka Milinović, član

3.  \_\_\_\_\_ Željka Vujica, član

U skladu sa članom 71. stav 2. Zakona o javnim nabavkama, kopija Zapisnika o ocjeni ponuda dostavit će se istovremeno uz Odluku o izboru najpovoljnijeg ponuđača svim ponuđačima koji su učestvovali u predmetnom postupku javne nabavke.